

- 1★ ڈی آئی جی شری دھر پائل تے ایس ایس پی کشتواڑ نے اُس گراں غو دورو کیو جت دو گرائیں محافظ بلاک ہو اتھا۔
- 2★ ضلع ترقیا تی کمشنر ربا سی نے محکمہ گرائیں ترقی غو جائزو لیو اور جا ری ترقیاتی کماں گی مناسب رپورٹ جمع کرایا جان توڑی محکمہ غا تمام ملازماں غی تنخواہاں ور روک لا دتی ہے۔
- 3★ نا ئب صدر جمہو ربہ جگدیپ دھنکر نے کہیو ہے جے تعلیم سماج واسطے خدمت ہے کاروبا ر نہیں۔
- 4★ تے مُلک پھر مانہ اچ قومی قانونی خدمات تہارو منایو گیو۔

Ramban Kishtwar

رام بن، کشتواڑ تے ڈوڈہ رینج غا ڈی آئی جی شری دھر پائل تے ایس ایس پی کشتواڑ نے اچ کشتواڑ غا اُس گراں غو دورو کیو جت 2 گرائیں دفاعی گارڈز نانہ دہشت گرداں نے مار دتو تھو۔ اس واقعہ توں بعد اُت حفاظت غا کڑا بندوبست کر دتا گیا تھا تا نجے بو ر اس راہ غا حادثہ نانہ ٹالیو جا سکے۔ ماربا گیا دو گرائیں دفاعی گا رڈ غو تعلق ضلع کشتواڑ غا اُہلی کُنتواڑہ گراں توں تھو۔ واضع رہ جے جمعہ آلی تہاڑے پولیس نے 2 ممبراں غی لاش نانہ اُہلی کُنتواڑا غا جنگلا تی علاقہ توں برآمد کیو تھو۔ جن غی پشان نذیر احمد تے کلدیپ کمار غے طور ور کی گئی تھی۔ اس حملہ غے فوراً بعد فوج، سی آر پی ایف تے پولیس نے سانجا طور تلاشی کا روائی وی شروع کی تھی۔

DC Reasi

ضلع ترقیاتی کمشنر ربا سی وشیش پال مہاجن نے محکمہ گرائیں ترقی غی کا رکر دگی غو جائزو لین واسطے اک میٹنگ منعقد کی جس مانہ اے سی ڈی، بی ڈی او، پنچایت انسپکٹراں تے پنچایت اکاؤنٹ اسسٹنٹاں نے شرکت کی۔ ڈی سی موصوف نے ضلع ریاسی غا محکمہ دیہی ترقی کا تمام عملہ غی تنخواہاں ور روک لان غی ہدایت جا ری کی جس ویلے توڑی محکمہ غی اسکیمماں غی تسلی بخش عمل آوری بارے رپورٹ نہیں دے دتی جاتی۔ میٹنگ غے دوران ڈی سی موصوف نے سرکار غی ایم جی نریگا، پردھان منتری آواس یوجنا، اے بی ڈی پی سمیت اہم اسکیمماں غی ضلع سطح ور عمل آوری غو جائزو لیو۔ اُنہاں نے زمینی سطح ور کمی غی اہمیت ور زور دتو۔ ڈی سی موصوف نے بی ڈی او ز نانہ بر مہینہ غا 15 دن فیلڈ دورہ واسطے وقف رکھن غی ہدایت کی۔ اُنہاں نے حالیہ احتساب رپورٹاں غو وی جائزو لیو اور کہیو جے محکمہ غو کوئے وی ملازم غفلت برتے تاں اس غو ناں بی ڈی اوز برطرفی واسطے تجویز کریں۔ اس بارے ضلع ترقیاتی کمشنر ربا سی نے آکاشوانی سنگ گل کرتاں واں اس طرح کہیو۔۔۔

Vice President

نائب صدر جمہو ریہ جگدیپ دھنکر نے اج کہیو ہے جے تحقیق تے اتجاد کا ری حقیقی معنی مانہ ترقی یا فتنہ ملک گا ہدف نانہ حاصل کرن مانہ اہم ہے۔ اج نوی دہلی مانہ قومی ادارہ برائے ٹیکنالوجی این آئی ٹی غی چوتھی اسناد تقسیم غی تقریب مانہ خطاب کرتاں واں جناب دھنکر نے اس گل نانہ اُجاگر کیو جے کس طرح ملک تحقیق تے ایجاد کا ری غا میدان مانہ اُنچائی حاصل کر سکے۔ اُنہاں نے تعلیمی اداراں ور زور پایو جے وے تحقیق واسطے اپنی صلاحیتاں نانہ سامنے آئیں۔ جناب دھنکر نے کا رپورٹ اداراں نانہ وی کہیو جے وے اپنی شرکت غے ذریعے اس مشن غی حمایت کریں۔ اُنہاں نے زور پایو جے تجارت، صنعت، کاروبار کرن آلاں نانہ اگے آ غے مالیاتی شراکت غے ذریعے تحقیق نانہ فروغ دینو چاہیے۔ نائب صدر جمہو ریہ نے کہیو جے تعلیم مانہ سرمایہ کا ری معاشرہ غی خدمت غو سب توں بہتر طریقو ہے۔

Banihal JJM

ضلع رام بن غا بانیال سب ڈویژن مانہ محکمہ جل شکتی نے 7 عشریہ 5 کروڑ روپیاں غی لاگت آلی گُنڈ، اڈل کوٹ واٹر سپلائی سکیم غو کم مکمل کر ليو ہے۔ لوکاں نے اس سکیم غی وجہ نال پانی غی پریشانی دور ہون غے پیش نظر جموں کشمیر حکومت، لیفٹنٹ گورنر، ڈی ڈی سی کونسلر تے محکمہ جل شکتی غو شکریو ادا کیو ہے۔ مرکزی سرکار غی جل جیون مشن سکیم غے تحت گُنڈ، اڈل کوٹ واٹر سپلائی سکیم غے ذریعے کئی گرائیاں نانہ پین غو صاف پانی ملے گو۔ اس سکیم غا تعمیری کم غی شروعات ڈی ڈی سی کونسلر امتیاز احمد کھانڈے نے محکمہ جل شکتی غا افسراں غی موجو دگی مانہ کیو تھو۔ ہر گھر جل سکیم مرکزی حکومت نے 2019 مانہ شروع کی تھی جس غو مقصد 2024 توڑی جل جیون مشن غے تحت گرائیاں علاقہ ہر کہر توڑی پانی غی دستیابی یقینی بنانو تھو اس بارے آکاشوانی سنگ گل کرتاں واں اک مقامی شخص نے اس طرح کہیو۔۔بائٹ۔۔

Tobacco Campaign

نوجوان آبادی نانہ تمباکو غی لت توں بیدار کرن واسطے سرکار غی طبی کالج کٹھوعہ غا اے این ایم ٹی اسکول نے اک بیداری ریلی کڈی جس مانہ اے این ایم ٹی اسکول غا طالب علماں نے بینر لے غے تمباکو غا استعمال غے خلاف نعرہ بلند کیا۔ اس ضمن مانہ طالب علماں نے اک خاکو پیش کر غے عام لوکاں تے نوجواناں نانہ تمباکو غا استعمال بارے خبردار کیو۔ اس سلسلہ مانہ اعلیٰ طبی افسر کٹھوعہ ڈاکٹر وجے رینا نے اس طرح کہیو۔۔بائٹ۔۔

School Education

ڈائریکٹر برائے سکولی تعلیم کشمیر تصدق حسین میر نے اج کہیو ہے جے پہلی توں 9 ویں جماعت غا طالب علماں غو سالانہ امتحان آدھ دسمبر توں پہلاں ليو جائے گو اس ضمن

مانہہ ذرائع ابلاغ غا نمائنداس سنگ گل کرتاں واں ڈائریکٹر موصوف نے کہیو جے پہلی توں 9 ویں جماعت غا طالب علماں غا پرچہ با رے تا ریخ غو اعلان کیو جا ئے گو۔ اُنہاں نے کہیو جے آدھ دسمبر تک ہم تمام امتحاناں نانہہ ختم کر دیاں غا تا نجے طالب علم اگلی جماعت مانہہ داخلو لین با رے تیار ہو سکیں۔ اُنہاں نے طالب علماں توں گذارش کی جے نصاب غا اُدھورو رہن با رے کسے وی طرح غی فکر کرن غی لوڑ نہیں بے تے ہم اس گل نانہہ جاناں جے تقریباً 90 فیصدی سلیبس پورو کیو گیو ہے۔ اس ضمن مانہہ طالب علماں نانہہ فکر کرن غی لوڑ نہیں، امتحان طلبہ دوست تے مہارت ور مبنی ویں گا۔

National Legal Service Day

اج پورا مُلک مانہہ قومی قانونی خدمات تہاڑو یعنی نیشنل سروس ڈے منایو جا رہیو ہے۔ اس تہاڑے نانہہ منان غو بنیا دی مقصد قانونی بیداری نانہہ بدھانو، تمام شہریاں نانہہ انصاف فراہمی غی یقین دہانی کروانو تے خصوصی طور ور پسماندہ طبقہ تک بیداری نانہہ عام کرنو ہے۔ اس تہاڑے لوکاں نانہہ اپنا قانونی حقوق غی تعلیم دتی جا ئے تے کسے وی جھگڑا غا حل واسطے بکھ بکھ منصوباں تے سرگرمیاں غے ذریعے ایسا طریقہ نانہہ فروغ دتو جا ئے جھیڑا اک منصفانہ معاشرہ نانہہ جنم دے۔ اس ضمن مانہہ 9 نومبر 1995 مانہہ قانونی خدمات اتھارٹی با رے قانون بنایو گیو جس غو اصل مقصد پسماندہ لوکاں نانہہ قانونی مدد فراہم کرنو تھو۔ اس تا ریخی قانون توں بعد 5 دسمبر 1995 مانہہ قومی قانونی خدمات با رے اتھارٹی این اے ایل ایس اے غو قیام کیو گیو تھو۔

DLSA Poonch

ضلع قانونی خدمات اتھارٹی پونچھ نے قانونی خدمات تہاڑا غا موقعہ ور تحصیل قانونی خدمات کمیٹی غا تعاون نال ضلع عدالت کمپلیکس مانہہ قانونی بیداری پروگرام منعقد کیو۔ یوہ پروگرام چیرمین ضلع لیگل سروسز اتھارٹی پونچھ اشونی کمار شرما غی نگرانی تے سیکریٹری ضلع لیگل سروسز اتھارٹی پونچھ رفاقت حسین غی رہنمائی مانہہ منعقد ہوؤ۔ پروگرام غے دوران لوکاں نانہہ قانونی خدمات با رے قانون 1987، مفت قانونی امداد تے قانونی حقوق با رے جانکاری دتی گئی۔ اس موقعہ ور مقررین نے کہیو جے قانونی خدمات اتھارٹیز ایکٹ غے تحت سماج غا کمزور طبقاں نانہہ مفت قانونی خدمات دتی جا ئیں اور اس قانون غو مقصد معاشی طور کمزور لوکاں واسطے انصاف مہیا کرانو ہے۔ پروگرام غی شروعات قومی قانونی خدمات اتھارٹی غا تھیم گیت سنگ کرائی گئی۔

Pakistan Blast

پاکستان غا صوبہ بلوچستان غا کوئیٹہ ریلوے سٹیشن غے کول ہوا بم دھماکہ مانہہ اک درجن تیں متا افراد ہلاک تے کئی لوگ زخمی ہو گیا ہیں۔ دسیو جا رہیو ہے جے دھماکہ غے ویلے ریلوے سٹیشن غا پلیٹ فارم تیں اک ٹرین پشاور واسطے روانہ ہون غی تیاری کر رہی تھی۔ دھماکہ تیں بعد پولیس تے بچاؤ ٹیم بچاؤ کا روائی مانہہ مصروف ہو گئی ہیں۔

Hajj Travel

سرکا ر نے حج غا سفر نانہ آسان بنان واسطے کُجھ بدلاؤ کیا ہیں۔ جن مانہ بہتر رسائی تے سہولیات واسطے جدید یاتی ڈھانچہ نانہ بہتر بنایو گیو ہے۔ اس طرح غی شروعات غے ذریعے خواتین غی برابری نانہ فروغ دتو جا ریو ہے۔ تانجے متی تعداد مانہ خواتین نانہ آزادانہ طور ر حج غو سفر کرن غو موقعو مل سکے۔ کہٹ آمدنی آلا افراد واسطے حج نانہ آسان بنان با رے وی خصوصی انتظامات کیا گیا ہیں۔ اس سلسلہ مانہ خواتین غی سہولیات نانہ بدھان واسطے حج غے دوران مدد تے سہولیات فراہم کرن با رے پروگرام شروع کیا گیا ہیں۔ واضع رہ جے اس سال جنوری مانہ دو طرفہ حج معابدو کیو گیو تھو۔ جس مانہ 1 لکھ 40 ہزار سیٹ بھارتی حج کمیٹی غے ذریعے سفر کرن آلاں واسطے رکھی گئی ہیں۔ اس سال مرکزی وزارت صحت نے 1 لکھ 75 ہزار توں ہزار توں متا حجاج واسطے جامع طبی سہولیات غی نگرانی کی جس مانہ 40 ہزار 60 بہراں توں متی عمر غا بزرگ وی شامل ہیں۔ تے سخت موسمی حالات مانہ 24 گھنٹہ طبی سہولیات وی فراہم کی جا ئیں گی۔

DDC Chairman Poonch

ضلع ترقیاتی کونسل پونچھ غی چیئرپرسن تعظیم اختر نے کپیکس بجٹ غے تحت ضلع مانہ جا ری ترقیاتی کماں با رے پیش رفت غو جائزو لین واسطے اک میٹنگ غی صدارت کی۔ میٹنگ مانہ ضلع ترقیاتی کمشنر پونچھ وکاس گنڈل تیں علا وہ بکھ بکھ محکماں غا ضلع افسر تے سربراہ موجو د تھا۔ میٹنگ غے دوران بولتاں واں تعظیم اختر نے ٹینڈرنگ غا عمل نانہ تیز کرن تے ترقیاتی منصوباں نانہ مکمل کرن ور زور دتو۔ اُنہاں نے کہیو جے ضلع غی مجموعی ترقی غی خاطر ترقیاتی کماں غو ویلے سر مکمل ہونو ضروری ہے۔ ڈی سی پونچھ وکاس گنڈل نے ضلع مانہ جا ری ترقیاتی کماں غی جانکا ری دتی اور ان غی تکمیل مانہ پیش آرہی رکاوٹاں نانہ اُجاگر کیو۔ اُنہاں نے کہیو جے رکاوٹاں نانہ محکمہ غی طرفوں دور کیو جا ریو ہے۔ آکاشوانی سنگ گل کرتاں واں ڈی ڈی سی چیئرپرسن تعظیم اختر نے اس طرح کہیو۔ بائٹ۔

Gopashtmi

مُلک غا دوجا حصاں غی طرفوں گاں غی پوجا کرن غو مقدس تہوار اج سانہ مانہ وی مذہبی جوش و جذبہ سنگ منایو گیو۔ اس تہارے کالسریں گو ماتا غی پو جا کریں تے اس غا گل مانہ با رکھلیں اور اگر بتیاں نال آرتی پوجا کریں۔ گاں غی پوجا کرن تیں بعد آکاشوانی سنگ گل کرتاں واں گو ماتا غا تہوار با رے شیتل شرما نے اس طرح کہیو۔ بائٹ۔
